

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutaa

Suliassat nalinginnaasut

Imm. 03 aningaasat inissisimaneri

Imm. 04 Skilt aqqusineri ilisimatitsissutit

Imm. 05 Pisuttuartunut ilaqtariinnullu alianaarsaarluni issiaviit

Imm. 06 Bus unittarfii qalipagassanngorneri

Imm. 07 Adam Lyberth Ikaartarfiliinisamut allakkiaa

Imm. 08 Pikkorissaasusaaq Elisabeth W Kangerlussuarmi ingerlanneqarnissaa

Imm. 09 Nutaarsiassanut nalunaarut “Piareersimavugut”

Imm.10 Timersortarfimmi unammilluni nalunaaqutaq

Imm.11 Kang mini marked ikuallannikoq piiarneqapallannissaa innersuussineq

Imm.12 Umimmaat niaquinik pissarsiniarneq tunissutissat

Imm.13 Nipilersortartunik tikisitsinissaaq

Imm.14 Tamalaat



Ataatsimiinneq aallartippoq nal. 13:00

Peqataasut:

Inuit ataqatigiit

Stina Steenholdt

Attaviittoq:

Vivi Schultz Grønvold

Peqataanngitsut: (nalunaaruteqarlutik)

Atassut

Anna Karen Hoffmann

Imm. 01 Oqaluuserisassat akuersissutigineri

Aalajangiineq

Akuerineqarput



Imm. 02 Siulittaasup nalunaarutaa

Nunaqarfimmi aqutsisup siulittaasua Vivi Schultz Grønvold tikilluaqqusivoq.

Vivi Schultz Grønvold nalunaarutigaa qinersisoqassasoq 1 April 2025-mi Multihusimi.

Atassut Anna Karen Hoffmann angalalluni nalunaarpoq timmisartorunnaaruni oqarasuaatikkut peqataasinnaalluni aammalu ataatsimeereeruni soraajaaruni oqarasuaatikkut peqataasinnaalluni nalunaaruteqarpoq. Sianerfiginerani atassuteqanngimmat ataatsimiinneq ingerlaannarpoq.

Imm. 03 Budget inissisimaneri saqqummiunneqarput.

Nunaqarfimmi aqutsisup Vivi Schultz Grønvold budget saqqummiuppai inissisimaneri.

Innersuussineq

Aningaasartuutissat ukiumut qaammatini pingasukkaarlugit inissiisarnissaq atuinissamut innersuussutigaa 100.000,00 kr atorneqartarnissai aningaasartuutissanut. Peqatigiiffiit innuttaasullu aqqissuerusuttut innuttaasunut tamanut qinnuteqartarnissai ammasumik paasissutissiinissaq innersuussutigaa ilisimaneruneqarnissaa anguniarlugu.

Anngaasanik qinnuteqaatit max. 5000,00 kr iluanni qinnuteqartut piaartumik oqarasuaatikkut aaliangiinerit ingerlanneqartarnissai innersuussutigaa atorluarneqartarnerulissasoq.

Aalajangiineq

Innersuussaq akuerineqarpoq, qaammatillu tulliani Nunaqarfimmi aqutsisut tamanna ingerlatiinnarneqarnissaanut innersuussillutik. Tamannalu pillugu sulianik tunniussinermi paasissutissiisutigineqassaaq.

Imm. 04 Skilt aqqusinnermi ilisimatitsissutit

Vivi Schultz Grønvold aqqusinnermi skilt allaqqaneri kukkusumik skiltitallit aqqinneqarnissai kissatigaa suli assileriarlugit nammineq nassiutissallugit nalunaarutigaa.

Kangerlussuarmi pisuinnarnut paasissutissat ersarissut Erhverbspuljemii aningaasartuutissatut innersuussutigaa, pisuinnaat takusinnaaniassammatikkitt soorlu:

Pilersuisup eqqaaniik Havnimut Kelly Willy-mut qassit km -junersut, Sangusariamiik sermersuarmut, Aajuitsup paanut pisuffissat qassit km, Timmisartoq nakkarnikoq tassanngaaniik qassit km-junersut.

Innersuussineq

Allaffimmi pisortap Helga Nielsen attavigissuaa suliffeqarfiit skiltinik tuniniaasartut akinik misissuilluni, neqerrutillu nunaqarfinmi aqutsisunut ingerlateqqinneqassallutik.

Aalajangiineq

Niuertuniit skilt qanoq akeqarsinnaanersut neqeroorutit tunniunneqartut Nunaqarfinni aqutsisunut ingerlateqqinneqassapput, neqerrutillu aallaavigalugit aaliangiisoqassalluni kikkut pisiffiqineqassanersut skiltinik.

Imm. 05 Asimi pisuttuarfinni issiaviusinnaasut

Vivi Schultz Grønvold innersuussutigaa Katiffimmi aammalu Kanocenterimi immikkut aamma ilisisoqarnissaa allanilu sermersuup tungaanut pisuttuarfinni immikkut ilisassanik ilioraasoqarnissaanut.

Innersuussineq

Innersuussineq tamanit taparserneqarpoq, takornarianik sullissisut ilanngullugit aperineqassapput katiffimmut aammalu canocentermut immikkut taakkua ilisisinnaanersut.

Aaliangiineq:

Allaffimmi pisortaq issiavinnik 10-nik neqeroortitsissaaq suliffeqarfinnut. Aammalu Takornarissanik sullissisut aperineqassapput Katiffimmi aammalu Canocenterimi nerrivinnik ilisisoqarsinnaanersoq.

Imm.06 Bus unittarfii qalipanneqarnissai

Nunaqarfinmi aqutsisut Bus unittarfiit immikkut qalipanneqarnissaat innersuuppaat, kangerlussuarmi bus unittarfii nunaqarfinni aqutsisut pilersinnikuusaat maanna qalipaataat katagarmata aammalu ilui allattaarneqarnikuummata qalipagassaasut innerssuussutigaa.

Innersuussineq

Nunaqarfinni aqutsisut innersuussutigaa teknikeqarfimmut saaffiginnissutigineqassaq bus unittarfii qalipannissai

Aalajangiineq

Allaffimmi pisortaq saaffiginnissaaq Teknikeqarfimmut Bus unittarfii qalipanneqarnissaannut suliakkiilluni.

Imm.07 Adam Lyberth Ikaartarfiliinisamut allakkiaa

Nunaqarfimmi aqutsisut aqutsisunut allakkat Ikaartarfik pillugu ”Hæng bro”

”ALLAKKIAQ IKAARTARFILIINISSAMUT TUNNGASOQ.

Ukioq 2015-mi siunnersuutiginiuuara periarfissaq takornariaqarnermut annertusaanermi, ikaartarfiliisoqarnissaa uanilu assimi ersippoq taanna siunnersuutiga. ACB suleqatigalugu taamani ilaatigut Jesper S. Periarfissanik ujartuinikuuvugut ilaatigut ikaartarfiliiffiusinnaasut assigiinngitsut pingasut uuttortarnikuuagut. Sisimiuninngaani Insignør-i peqatigalugu. Maannakkullu ukiut qulit miss. qaangiupput sulil iluamik suliasamat atatillugu uunga siunnersuummut qanoq ingerlasoqarnersoq paasisitsisoqarnikuunani. 1 Nanginnera Tassani periarfissaq ujartorpara takornariaqarnikkut ukiuni qaninnerni annertuumik inerisaanissaq periarfissanik nutaanik, ujartuiffiuleruttormat. Tamannami nuna timaatungaaniittoq qorlortorsuaq sermitarlu Kangerlussuup qinnguata timaani annertuumik nutaamik atuiffiulersinnaanera ilassagaluarimat ikaartarfiliisoqarneratigut. Inussiarnersumik Adam Lyberth Ukiorpasuarini Kangerlussuarini Takornarialerisoq.”

Innersuussineq

Ikaartarfiliinissaq /Hænge bro i sandflugtdalen suliaq siuliatigut ingerlanneqarnikuusoq Nunaqarfimmi aqutsisuni siulittaasup Vivi ilisimavaa, tamannalu pillugu suliaq qullersaqarfimmut Sisimiunut saaffiginnissutigineqarnissaa innersuuppaa suliaq sumut killinnersoq.

Aalajangiineq

Ikaartarfiliinissaq /Hænge bro i sandflugtdalen Adam Lyberth allakkiaa pillugu allaffimmi pisortap Stab-imut saaffiginnissutigissuaa suliaq sumut killinnersoq paasiniarlugu.

Imm. 08 Pikkorissaasussaq Elisabeth W Kangerlussuarmi ingerlanneqarnissaa

Ikiuigasuarnermi pikkorissaanissaq pillugu pikkorissaasussaq saaffigineqaqqippoq, pikkorissaanissaa ingerlaneqanngitsoormat akilereernikuullunilu Ikiuigasuarnermi pikkorissaanani allamik projektimik ingerlatisinnaanersoq.

Aperineqaramilu akissuteqarpoq Elisabeth willy ima:

"Piffissaqarluta oqaluuttariaqassaagut sap.ak. marluk atorlugit tunngaviusumik pilersaarut allanngussagami aamma akissaatit soorunami allaassapput.

Massakkut Tasiilami suligama piffissaqaleruma saaffigiunaarpakkit.

Neriuppunga nalunaarutiga Nunaqarfimmi Aqutsisut suliaqinikuummata nalunaarfigineqarumaartut."

In.in.

Elisabeth

Innersuussineq

Nunaqarfimmi aqutsisut Projekt akilereernikoq ingerlassinnaanngippat aningaasat tunniunneqarsimasut utertinneqartariaqartut innersuussutigineqarpoq.

Stab aperineqassaaq project ingerlanngitsuuinnassappat qanoq pisoqarsinnaanersoq.

Aalajangiineq

Allaffimmi pisortaq Stabimut saaffiginnissaaq project unissagaluarpat qanoq pisoqarsinnaanersoq akilereenikuusorlu.

Imm. 09 Nutaarsiassanut nalunaarut “Piareersimavugut”

Nunaqarfinni aqutsisut Kangerlussuarmi Nuummi aammalu Ilulissani mittarfeqalerneranni sinerissami taakkua kisiisa takorloorneqarneri pilluigit tusagassiorfinnut allagaqarnissaq siunnersuutigineqarpoq.

Innersuussineq

Nunaqarfinni aqutsisut ataatsimut allakkiussallutik aaliangerput.

Aalajangiineq

Illoqarfiit marluk nunatsinni mittarfissuaqalersut, kisiisaakua nunatta takorluugarigai? Nunarput isorartoqisoq sooruna siunissaa eqqartorneqarneqaranilu pilersaarusiorneqarpasinngitsoq?

Namminersulernissaq eqqartugaaleqisoq assorsuaq takorloorumanaattarpoq illoqarfissuup avataaniituulluni. Siunissamummi qanoq eqqarsaataavugut? Uagut illoqarfissuarmi nutsernikuungitsugut, pisariaqartipparput nunarput tamaat isiginiarneqarnerulernissaa. Piffiit assigiinngitsut, assigiinngitsunik piorsarlugillu pilersitserusuttunik sinaakkusersuisussanik amigaateqarpugut. Uagut Kangerlussuarmi mittarfissuaqareerluta avatangiiseqareerpugut kusanarluinnartumik. Eqqarput tunniussassarpassuaqarpoq piorsarsinnaasatsinnik. Piorsaaffigereernikuusagullu timmisartorsuup mittarunnaarneranik uneriataginnarnikut, suli pigaagut.

Suliffippassuit ukiuni arlalinni piiarusaarnikuuneri kangerlussuarmut assut sunniuteqarnikuullutillu sunniuteqarput. DMI, Naviair, Tusass allakkerivia, A/S Ini, minnerunngitsumillu Air Greenland-imi sulisorpassuit nutserneqarnikuupput. Minnerusumik annerusumilluiniit pinngatsaalisamik. Suliffeqarfippassuit eqqarsaatigalugit, inuerusaaneq?

Nunatta aqutsisui, akueriuminaappoq suliffeqarfippassuit piiarnerini akuersaaruminaappoq, nutaanik suliffiusinnaasunik pilersitsinissassinut inerisaasinnaanissassinut eqqarsarsimannginneri. Nunamik, piffimmik taamak ineriartortinnissaanut periarfissaqartigisumik qularutigaa nunarput peqartoq, kangerlussuarmut ittumik. Kaamattuutigerusupparput, inerisaanissaq iluaqutissanngorlugu nunaqartuusunut suliniutigineqassasoq.

Kangerlussuup mittarfia, nunarput kiisalu Kangerlussuaq pillugu, atorluarneqarli. Kangerlussuaq massakut inissisimavoq ukiup affaanaanik Danmarkimut angallassiffiussalluni. Uagullu piorsaaqataasagutta nunagisatsinni, ukiup affaanaanik inuusutaasinnaasunik ingerlatsinissarput killeqartorujussuuvuq. Kikkummi ukiup affaanaanik inuusutissarsiorsinnaagamik? Timmisartuussineq nunatsinni allanngormalli assorsuaq takornarianut minnerunngitsumillu tammajuitsussanik piniariartitsisartut eqqugaapput. Ullut arlerlugit kinguaatoortarnerit, sungiusimanngisagut, Nuuk silaa ajoraangat nunarput tamaat eqquinaatiartalerneq suliffeqarfippassuarnik equivoq. Qallunaat nunaaniit timmisartoq tikinniartarnera kiisalu nunatta iluani nuumiit aallajaartannginnera pissutigalugu Kangerlussuarmut innarliinera annertoqaaq. Tikittuaanarnissarput kajuminnassusii eqqugaavoq, assut!

Nunatta aqutsisui. Ilissi pissaaneqarput allannguisinnaanissamut. Ilissi nunarput tamakkerlugu ineriartortitseqataasinnaavusi. Periarfissitsigut minnerpaamik sap. Ak. ataasiarluni Air Greenland Københavnimiit Kangerlussualiartarnissaa ukioq tamaat. Taamaaliornikkut

illoqarfissualiartuungitsut ilaasorisinnaavaat, minnerunngitsumillu piffik nunatsinni
immikkuullareqisoq kusanaqisorlu uagut piorsaanissatsinnik
sinaakusissavarsi. Takornariaqartitsineq pikkoriffigaarput. Pikkoriffipput atorluarusupparput.

Periarfissitsigut, - piareersimavugut!

Inussiarnersumik inuulluaqqusilluta
Kangerlussuarmi Nunaqarfimmi aqutsisut

Vivi Schultz, Anna-Karen Hoffmann & Stina Steenholdt-Sørensen

Taannalu Qeqqata nittartagaanut ilineqassasoq.

Imm.10 Timersortarfimmi unammilluni nalunaaqutaq

Timersortartut arsortartut aammalu assammik arsortartut timersortillutik minutilersuut kiisalu málertoqartillugu kisitsisinut nalunaarutit amingaatigineqartarneri.

Innersuussineq

Allaffimmi pisortap Helga Nielsen attavigissuaa Timersornermi siunnersorti Kultur fritid-mi sulisoq peqalernissaanut suliaqarnersut.

Aalajangiineq

Timersornermi siunnersorti Kultur fritid-mi sulisoq aningaasaliissuteqassanngippata nunaqarfimmi aqutsisut pisisinnaallutik aaliagiuppaat.

Imm.11 Kang mini marked ikuallannikoq piiarneqapallannissaa innersuussineq

Kang Mini Marked ikuallannikoq manna annertuumik tipeqartartoq peqqissutimut peqqinnarani tipaa, anorersuaraangat atortut teqqaasut, Meeqqallu ukiukitsut pinnguarfigisaraat tamanna ulorianarmat immikkut sukkanerusumik iliuseqarfigineqarnissaa kissaatigineqarpoq.

Innersuussineq

Allaffimmi pisortaq akisussaasunut saaffiginnissaaq suliaq sumut killinnersoq aammalu piaartumik piiarneqarnissaa kissaatigigaat Nunaqarfimmi aqutsisut.

Allaffimmi pisortap Helga Nielsen attavigissuaa suliffeqarfiit skiltinik tuniniaasartut akinik misissuilluni, neqerrorutillu nunaqarfimmi aqutsisunut ingerlateqqinneqassallutik.

Aalajangiineq

Teknikeqarfik saaffiginneqassaaq suliaq sukumiisumik suliarineqarnissaanut innersuussissasut.

Imm.12 Umimmaat niaquinik pissarsiniarneq tunissutissat

Nunaqarfinmi aqutsisut Artic sound umimmaat niaquinik tunissuteqarniarlutik neriorsuinikuummata, pissarsiorneq allagarsiinikkut aammalu piniartut umimmaat pillugit ataatsimiinnerani pissarsiornerit iluatinneqanngillat.

Innersuussineq

Nunaqarfinni aqutsisut suliaq unitsippaat pissarsisinnaannginneq peqqutigalugu.

Aalajangiineq

Artic Sound umimmaat niaquinik tunisinnissartik ujartunngimmassuk suliaq unitsinneqarpoq, umimmaap niaquinik ameernikunik pissarsnissaq ajornarmat.

Imm.13 Nipilersortartunik tikisitsinissaq

Nunaqarfimmi aqutsisut innuttaasunut susoqartitsinissaq pingaartippaat, taamaattumik immikkut nipilersortartunik tikisitinissaq suliakkiutigineqarpoq.

Innersuussineq

Allaffimmi pisortap Helga Nielsen attavigissuaa Nipilersortatut aammalu Hotel Ro klub saaffigalugu suleqatigiissinnaanerlutik aaqqissuussinissamut.

Aalajangiineq

Allaffimmi pisortap Helga Nielsen-ip attavigissuai nipilersortatut, suliffeqarfillu Hotel suleqatigiinnissamik isumaqatigiinniarlutik, salami tupermi aaqqissuussisoqarsinnaanersoq, ajornarpallu timersortarfimmi aaqqissuussissallutik. Hotel peqataasinnaangippat KAP-kut apeineqassapput aaqqissuusserusunnersut, aningaasat isertut peqatigiiffinnut nakkartinneqassammata.

Imm.14 Tamalaat

Soqanngilaq

Ataatsimiinneq naammassivoq kl 14:59

